

# Progetu Life pro su cherbu sardu

Assessore Porcu: "Is resurtados importantes e sa espansione forte ponent problemàticas noas chi obrigant a una gestione atenta"



"Su cherbu sardu est una sutaspèzie autòctona de sa Sardigna e de sa Còrsica, chi pro s'importu suo rechet un'amparu rigorosu. In manera reghente est istadu ogetu de su progetu Life 'One deer two islands' finalizadu a s'amparu suo e acabadu in su 2019. A s'inghitzu de su progetu sa genia fiat presente in pagas chentinas de ètaras in sa Sardigna meridionale e praticamente ausente in Còrsica. A su presente, su

cherbu sardu-corsicanu est creschidu in manera cunsistente, in ambas is ìsulas: sunt istimados in 13.000 e 7.000 esemplares". Dd'at naradu s'assessore regionale de sa Defensa de s'ambiente, Marco Porcu, durante s'interventu suo a sa mesa de traballu, organizadu in Corte de sa Regione Còrsica, subra de su programa de gestione de su cherbu in is duas ìsulas, a su cale at partetzipadu una delegazione regionale cumposta fintzas dae Forestas.

"Custa espansione in zonas antropizadas ponet problemàticas noas chi obrigant a una gestione atenta - at agiuntu s'assessore Porcu - Pro esempru, prevènnere is cuntierras cun s'òmine referidos a is disacatos a is produzioni agriculas e a is problemas de seguridade pùblica (comente a is intzidentes istradales). Ma fintzas evitare sa difusione de maladies infetivas e parassitàrias importantes siat pro s'òmine chi pro àteras genias animales, domèsticas e agrestes".

"Cunsiderada s'elevadu apentu zootècnicu de is duas ìsulas, su compudu de su cherbu devet èssere fatu periodicamente. In prus, andat atuadu unu programa de gestione a longu tèrmine pro una mègius integratzione de is animales a is risursas ambientales disponìbiles, fintzas faghende ricursu a risursas europeas in s'àmbitu de su matessi progeti Life. Limitende is cuntierras intre popolazione umana e cherbos, realizende unu compudu chi cunsentat de tènnere suta controllu s'istadu sanitariu de sa genia e s'implementatzione de soluziones gestionales noas e de management in collaboratzione cun su mundu de sa chirca e promovende in is iscolas primàrias s'annestru subra de su ruolu de su cherbu in s'ecosistema de is duas ìsulas".

"Devimus traballare pro chi su raportu positivu cun s'animale, cròmpidu dae is comunidades locales in su cursu de su tempus, non bèngiat dannificadu dae problemàticas noas chi arriscant de cumpromìtere s'echilibriu attuale", at concruidu s'Assessore de s'Ambiente.